

## DIES XXVIII.

## PRÆPARATIO.

1. Quis venit? Christus Redemptor, qui non corruptibilibus, auro, vel argento, redemit nos de vana conversatione nostra; sed pretioso sanguine suo, quasi agni immaculati et incontaminati. (\* *I Petr. 1, v. 18 et 19.*)

2. Ad quem venit? Ad captivam filiam Sion, super flumina Babylonis sedentem, et flentem; quæ gratis venundata est, et sine argento redimetur. (\* *Psal. 136, 1. — Isa. 52, 3.*)

3. Ad quid venit? Ut propitiatur omnibus iniquitatibus ejus, et sanet omnes infirmitates ejus, ut redimat de interitu vitam ejus, et coronet eam in misericordia, et miserationibus. (\* *Psal. 102, v. 3 et 4.*)

## ASPIRATIO.

Propter Sion non tacebo, et propter Jerusalem non quiescam, donec egrediatur ut splendor justus ejus, et salvator ejus ut lampas accendatur. (*Isa. 62, 1.*)

## DIES XXVIII.

## GRATIARUM ACTIO.

1. Respicere oculis fidei Christum in medio cordis tui, ut redemptorem tuum, qui præsidio crucis suæ jugum oneris tui, et virgam humeri tui, et sceptrum exactoris tui superavit: teque veluti captivum, ejus gratia, in libertatem gloriæ filiorum Dei assertum.

(\* *Isa. 9, 4. — Rom. 8, 21.*)

2. Desidera ex amore audere vehementer, ita ut motus et impulsus a Deo, qui proprio Filio suo non pepercit, sed pro nobis omnibus tradidit illum, magna postulare, et ardua pro eo aggredi audeas. (*Rom. 8, 32.*)

3. Pete a Domino virtutem fraternalę charitatis, ut sicut ille animam suam pro te posuit, ita et tu pro fratribus animam ponas. (\* *I Joan. 3, 16.*)

## ASPIRATIO.

Ecce Deus salvator meus: fiducialiter agam, et non timebo; quia fortitudo mea et laus mea Dominus, et factus est mihi in salutem. (*Is. 12, 2.*)

## DIES XXIX.

## PRÆPARATIO.

1. Quis venit? Christus, omne bonum, quod Deus ostendit nobis et ad quod omnes invitat: audite audientes me, et comedite bonum, et delectabitur in crassitudine anima vestra. (*Exod. 33, 19. — Isa. 55, 2.*)

2. Ad quem venit? Ad miserrimam creaturam suam, quam circumdederunt mala quorum non est numerus; quæ stulta dicit malum bonum, et bonum malum. (*Psal. 39, 13. — \* Isa. 5, 20.*)

3. Ad quid venit? Ut indicet ei quid sit bonum, et quid Dominus requirat ab ea; ut repleat in bonis desiderium ejus, et super omnia bona constituat eam. (\* *Mich. 6, 8. — Psal. 102, 5. — \* Matth. 24, 27.*)

## ASPIRATIO.

Quid mihi est in cœlo, et a te quid volui super terram? Defecit caro mea, et cor meum: Deus cordis mei, et pars mea, Deus, in æternum. (*Psal. 72, v. 25 et 26.*)

## DIES XXIX.

## GRATIARUM ACTIO.

1. Respice oculis fidei Christum in medio cordis tui, ut infinitæ bonitatis thesaurum: teque, ut abyssum miseriarum, de plenitude ejus accipientem omne datum optimum, et omne donum perfectum. (\* *Joan. 1, 16. — \* Jacob. 1, 1, 17.*)

2. Desidera eum ex amore stringere indissolubiliter, ut scilicet intellectu et affectu semper Deum teneas, et nihil te possit a charitate Christi separare. (\* *Rom. 8, 39.*)

3. Pete a Domino juge exercitium divinæ præsentiae, ut ambulans coram eo, sis perfectus; ut, sicut deliciæ ejus sunt cum filiis hominum, ita deliciæ tuæ sint cum Filio Dei. (\* *Gen. 17, 1. — \* Prov. 8, 31.*)

## ASPIRATIO.

Omnia simul in te uno habens, lumen oculorum meorum, solatum vitæ meæ, te non debo dimittere a me. (\* *Tob. 10, v. 4 et 5.*)

## DIES XXX.

## PRÆPARATIO.

1. Quis venit? Christus, pastor animarum vigilantissimus, qui cognoscit oves suas, animam suam dat pro ovibus suis; nunc autem venit requirere et visitare eas, sicut visitat pastor gregem suum. (\* *I Petr.* 2, 25. — *Joan.* 10, v. 14 et 15. \* *Ezech.* 34, v. 11 et 12.)

2. Ad quem venit? Ad oviculam suam stolidam, in deserto hujus sæculi aberrantem, et ferarum ac latronum incursibus expositam.

3. Ad quid venit? Ut inveniat eam, et inventam imponat in humeros suos gaudens, et convocatis Angelis ac Sanctis dicat: Congratulamini mihi, quia inveni ovem meam quæ perierat. (\* *Luc.* 15, v. 5 et 6.)

## ASPIRATIO.

Erravi sicut ovis quæ perierunt: quære servum tuum, quia mandata tua (utcumque) non sum oblitus. (*Psal.* 118, 176.)

## DIES XXX.

## GRATIARUM ACTIO.

1. Respic oculis fidei Christum in medio cordis tui, tanquam pastorem amantissimum, qui te carnis suis alit et suo sanguine potat: teque velut ovem pascuæ ejus, quæ beneficio ipsius jam vocem ejus audis et post eum vadis. (\* *Psal.* 99, 3. — \* *Joan.* 10, 16.)

2. Desidera ex amore ardore suaviter in holocaustum, ita ut de te ipso spiritualiter facere constitutas quod victimæ siebat; nempe a grege segregabatur, ligabatur, occidebatur, excoriabatur, lavabatur, in frusta dividiebatur, et super altare cremabatur.

3. Pete a Domino virtutem religionis, ut Deo cuius totus es, cultum, honorem et reverentiam exteriorem exhibeas, eique te sincerissime devoveas.

## ASPIRATIO.

Dominus regit me, et nihil mihi deerit; in loco pascuæ ibi me collocavit. Super aquam refectionis educavit me: animam meam convertit. (*Psal.* 22, v. 1, 2 et 3.)

## DIES XXXI.

## PRÆPARATIO.

1. Quis venit? Christus, exemplar omnis sanctitatis atque virtutis, quod olim in monte Calvariae monstratum est, et nunc quotidie in Eucharistia monstratur; cui debent omnes electi conformes fieri. (\*Exod. 25, 40. — \*Rom. 8, 29.)

2. Ad quem venit? Ad imaginem et similitudinem suam, in qua, per culpam, obscuratum est aurum, mutatus est color optimus: quia homo cum in honore esset, non intellexit; comparatus est jumentis insipientibus; et similis factus est illis. (\*Gen. 1, 16. — \*Thren. 4, 1. — Psal. 48, 13.)

3. Ad quid venit? Ut revelata facie gloriam Domini speculando, in eamdem imaginem transformetur a claritate in claritatem, tanquam a Domini Spiritu. (\* 2 Cor. 3, 28.)

## ASPIRATIO.

Præcedat Dominus meus ante servum suum; et ego sequar paulatim vestigia ejus, donec veniam ad Dominum meum. ( Gen. 23, 14. )

## DIES XXXI.

## GRATIARUM ACTIO.

1. Respice oculis fidei Christum in medio cordis tui, proponentem tibi exemplar vite suæ, ut inspicias, et facias secundum illud: teque veluti rudem pictorem, primas imitacionis ejus lineas ducentem. (\*Exod. 25, 40.)

2. Desidera ex amore assimilari perfecte, ita ut Dei perfectionibus, quantum hominifas est, induaris; et virtutes ejus, in hoc sacramento præsertim exhibitas, charitatem, humilitatem, obedientiam imiteris.

3. Pete a Domino plenissimam conformitatem cum divina voluntate, ut de te gloriari possit Deus: Inveni virum secundum cor meum, qui faciet omnes voluntates meas: (Act. 13, 22.)

## ASPIRATIO.

Christo confixus sum cruci. Vivo autem; jam non ego, vivit vero in me Christus. ( Gal. 2, v. 19 et 2. )

## CLEMENS VIII

*Recitantibus Orationem sequentem concessit  
remissionem omnium commissorum sive  
omissorum in Missa.*

Obsecro te, dulcissime Domine Jesu Christe, ut passio tua sit mihi virtus, qua muniar, protegar atque defendar. Vulnera tua sint mihi cibus, potusque, quibus pascar, inebriar atque delecter. Aspersio sanguinis tui sit mihi absolutio omnium delictorum meorum. Mors tua sit mihi gloria sempiterna. in his sit mihi refectio, exsultatio, sanitas, et dulcedo cordis mei. Qui vivis et regnas in sæcula sæculorum. Amen.

## ORATIONES,

*Seu Meditationes de Passione Domini.*

Deus qui pro redemptione mundi voluisti nasci, circumcidiri, a Judæis reprobari, a Juda traditore osculo tradi, vinculis alligari, sicut agnus innocens ad victimam duci, atque conspectibus Annæ, Caiphæ, Pilati et

Herodis indecenter offerri, a falsis testibus accusari, flagellis et opprobriis vexari, sputis conspui, spinis coronari, colaphis cædi, arundine percuti, facie velari, vestibus exui, cruci clavis affigi, in cruce levari, inter latrones deputari, felle et aceto potari, et lancea vulnerari. Tu, Domine, per has sanctissimas penas tuas, quas ego indignus recolo, et per sanctam crucem et mortem tuam, libera me a poenis inferni, et perducere digneris quo perduxisti latronem tecum crucifixum. Qui cum Patre et Spiritu sancto vivis et regnas in sæcula sæculorum. Amen.